



# Հովհաննես Թումանյան

## Տպավորություններ

Հա՛, կյանքում ես միշտ այսպես եմ եղել,  
Խնդացող տխուր, սրտաբեկ ուրախ.  
Հագիվ ուզել եմ անհոգ ծիծաղել  
Եվ սրտիս խորքից հատաչել եմ «ա՛խ»:

Գարնան երկինք է իմ դժբախտ հոգին  
Մերթ մութ ամպամած, մերթ մեղմ ու պայծառ,  
Եվ տարերքների ուժով ահագին  
Շափատուկները ճրնշում եմ իրար:

Իմ հոգին էլ այն երկնքի նման,

Որ ծավալվում է ձեր գլխի վերև,  
Ձեզ անհայտ, գաղտնի տեսնում է շատ բան  
Եվ մոտ, և հեռու, և փայլուն, և սև:

Շեշտակի թափով, բուռն ու մոլեգին  
Ամենայն կողմից ցուլանում, հոսում,

Լցվում եմ նրանք իմ անտակ հոգին  
Եվ ալեկոծում, չարչարում, հուզում:

Ես հազար աչքով բաներ են տեսնում,  
Որ թաքնված են լուսության ետև,  
Հազար ականջով ձայներ են լսում,

Որ դեռ սրտերում շշուկ են թեթև:

Եվ ամեն կողմից ձայներ ու ձայներ,  
Քնքուշ, կատաղի, թախծալի, զվարթ...  
Եվ ես ընկնում եմ, համբառնում եմ վեր,  
Անգուսպ մոլեգնում կամ ծփում հանդարտ:

Լրբենի մի ձայն, և ինչպես մրրիկ  
Վազում է արյունս իմ երակներում,  
Պայթում է սիրտս, և օձի նման  
Բարձրանում եմ ես, թշուր, գալարվում:

Մի ձայն էլ ահա, տկար, խղճալի...

Եվ ես փոխվում եմ նորից ու նորից,  
Ա՛հ, աստվա՛ծ, աստվա՛ծ, իմ փոթորկալի  
Հոգին տանջվում է այսքան ձայներից:

1897